

## A MOUN VIÈI CASTÈU

A ma cusino Jano M.

O moun viéi castelas, bèn bàrri de defénso,  
Tu que de moun pais t'an nouma lou gardian,  
Siés dre coume à vint an, gardant la souvenènço  
De toun Bèu-caire ama, tambèn de sis enfant.  
Toun front pur es oundra d'uno tourre carrado ;  
Dins l'iver tant jala, souto lou cèu negra,  
Siés aqui subre-bèu, e ti pèiro avenado  
Sempre le gardaran, car jamai mouriras.  
M'agrades, vièi escranca souto lou pes dis an ;  
As vist mi proumié pas, as vist nòsti grand rèire :  
Sus ti ro pourtavian nòsti joio d'enfant.  
An ris, mai an ploura, d'ome, chatouno e femo,  
Dins ti pin, eilamount, lou cor endoulouri ;  
Lou matin e lou sèr toumbavon de lagremo,  
Tóuti descounsoula cercavon de mourir.  
Pièi, quand vèn la sesoun, aucèu e cigaleto  
Fan aussi soun canta dins tis aubre tant bèu :  
De Bèu-caire vers tu mounto la cansouneto.  
Veses dóu Rose alin passa li grand batèu  
Quand sounara pèr iéu l'angòni doulourouso,  
Quand moun amo vers Diéu amount s'envoulara,  
Passarai ras de tu, fièro et misteriouso ;  
Lou suprème adessias, de tu l'empourtara.

Artaleta de Bèu-caire